

朔方備乘

朔方備乘卷第五十四

考訂諸書十四

考訂元代西北疆域考敘

臣秋濤謹案元代西北疆域考係

國朝魏源撰源仕履已見前卷源治海國圖志牽涉元史輒苦迷津爰取元祕史蒙古源流及邱處機西游記劉郁西使記諸書參以列代西域傳記及圖理琛所著之異域錄娓娓鉤稽旁證側出遂作是考按自古禹跡所及九州之地東

南至於海西北限流沙其西北二海未隸版圖
說者多茫昧之詞其能西至於西海北至於北
海咸建藩封設官吏者惟有元一代故元代疆
域之廣爲亘古所未有其北方疆域實包舉今
俄羅斯國全境亦爲從來方志所未詳歐羅巴
人航海東來侈陳五大州之恢廓然於莫斯科
未亞及韃而鞑之地究不能詳其顛末他可知
矣源殫力研求以地域水道疏通證明遂使往
迹瞭如指掌洵有功於元史者也惜其中尙有

考訂未覈之處蓋千慮之一失今備錄而補正之如左

元代北方疆域考上

卽今俄羅斯西北境

元太祖以阿羅思欽察阿速三部地封其長子
朮赤其域西起歐羅巴北抵冰海東界金山額
爾齊斯河北有欽察南包阿速地兼三國而以

阿羅思爲王庭故蒙古源流言成吉思汗令其

長子珠齊於俄羅斯地方卽汗位

珠齊卽朮赤二字之音轉

不言於欽察阿速卽汗位也

臣秋濤謹案蒙古源流云青吉斯汗

生察干岱珠齊烏格德依托壘四子汗在時令長子察干岱於俄羅斯地方卽汗位次子珠齊於托克默克地方卽汗位是蒙古源流誤以珠齊爲次子察干岱爲長子與諸書不合魏源所引又非蒙古源流本文皆誤也然元太祖封長子於俄羅斯則其事甚確詳元代北徼諸王傳然則今日俄羅斯其卽元後乎非元後乎曰阿

羅思復興之時異域錄止言元末族姓內爭借

兵於西洋式費耶忒國

臣秋濤謹案卽西費耶斯科亦名瑞典國始

平內亂不言元裔何往惟四洲志始言明宏治

中有諾戈落部人

臣秋濤謹案諾戈落卽那窩俄落部亦曰窩羅疴達亦作

倭羅克達起兵恢復俄羅斯盡逐蒙古奪回故疆則

今之俄羅斯非元後明矣至元初征三國事雖

始自太祖而實竟於太宗之世則朮赤之封亦

當在太宗之世

臣秋濤謹案朮赤爲元太祖長子本當嗣有帝位因太祖次子

察阿歹與朮赤爭論太祖遂定以第三子窩闊台爲嗣而封朮赤於阿羅思窩闊台卽太宗也是朮赤之封實在太祖之世及太宗卽位後朮赤就國地去中國太遠事蹟多不可考魏源以爲朮赤之封在太宗時其說非是考速不台傳太祖命征蔑里

吉部

又作蔑里乞部其地在金山之陽乃蠻之西

其酋敗奔欽察速

不台追之與欽察戰於玉峪敗之壬午帝征回

回國其主蔑里委國而遁速不台與只孛追及

於輝里河

臣秋濤謹案一作灰里河

駐軍河東人藝三炬以

張聲勢其王夜遁復命統兵萬人由布罕川

臣秋

濤謹案一作不罕川

必里罕城追之所歷皆無水之地既

度川先發千人爲游騎繼以大軍晝夜兼進至

則蔑里已逃入海盡獲金寶以獻癸未速不台

奏請討欽察許之遂引兵繞寬田吉思海展轉

至太和嶺

元史太和嶺有二一在開平一在欽察

鑿石開道出其

不意遇其酋長玉里吉及塔哈爾方聚於布租

河

臣秋濤謹案一作不租河

縱兵奮擊潰之遂收其境又破

之於阿里吉河略阿速部而還土土哈傳其先
世欽察國人也去中國三萬餘里夏夜極短日
暫沒卽出太祖征蔑里乞部其主奔欽察太祖
遣使諭之曰汝奚匿吾負矢之糜亟以相還不
然禍且及汝亦納思曰逃鷓之雀叢薄猶能生
之吾顧不如草木耶太祖命將討之亦納思已
老國中大亂其子舉族迎降此太祖初征三部
之事降其人而未盡滅其國也太宗七年復命
諸王拔都皇子貴由皇姪蒙哥等征西域間欽

察酋巴赤蠻有膽勇乃命速不台爲先鋒屢戰破之巴赤蠻逃入寬甸吉思海島九年王師追至其地適大風刮海水去其淺可涉王師遂進

禽其酋巴赤蠻不屈命囚之巴赤蠻謂守者曰我之竄入於海與魚何異然終被禽天也今水

回期且至軍宜早還蒙哥聞之卽班師而水已至後軍有浮渡者十年復與諸王拔都征幹羅

思部至耶烈贊城

臣秋濤謹案一作野烈贊城

大戰七日拔

之

元史諸傳中阿羅思或作幹羅思或作兀魯思或作兀魯思

十一年冬至阿

速滅怙思城負固久不下明春昔里鈐率死士
十人樹雲梯先登拔之明年班師歲丁巳出師
南征以駙馬刺真之子乞台爲達魯花赤鎮守
幹羅思阿速癸丑括幹羅思阿速戶口此則盡
滅三國入叛圖置官吏矣其事皆散見本紀及
速不台麥里昔里等傳所謂寬田吉思海者塔

爾巴哈台之西有巴爾噶什泊

臣秋濤謹案此
泊卽伊犁河之

委最近中國必非
寬田吉思海也

又東北千餘里有慈謨斯夸

泊

臣秋濤謹案此泊在今俄羅斯僧博羅特城
之北下流入額爾齊斯河距今科布多甚近

亦不足當寬田 又西北九千餘里有額納噶泊

臣秋濤謹案額納噶泊今西泊中皆有島惟額

納噶泊最北可當寬田吉思海 見西域 卽漢書

西域傳奄蔡國踰康居大宛境北臨大澤無涯

者然尙非大北海也 臣秋濤謹案或以奄蔡國

以爲史籍言裏海之始今按奄蔡在康居大宛

西正在裏海之北不當云北臨大澤也今自裏

海以北直抵俄羅斯莫斯科窪之北水皆南流

入裏海惟額納噶泊在其北所謂北臨大澤者
惟額納噶泊足以當之且奄蔡亦名阿蘭聊國
與阿羅思阿尼牙聲皆相近則魏源之說較爲
確當 至其分封則見於水赤傳曰水赤太祖長
矣

子國初以親王分封西北其地極遠去京師數
萬里驛騎急行二百餘日方達京師故其郡邑
風俗皆莫詳焉木赤子拔都拔都弟撒里答又
弟芒哥又弟脫脫又弟伯忽又弟月卽別皆兄
弟相繼襲封至元二年月卽別遣使來求分地
歲賜以賑給軍站至大元年月卽別薨子札尼
別嗣按月卽別地理志作月祖伯世封欽察阿
羅思之地至元初宗王海都叛世祖遣使命先
詣拔都蒙哥鐵木大王計事而後行拔都卽木

赤長子鎮西北方者與海都東北地相連恐其合從故先遣使離之其後海都兵果西行覘拔都已有備乃止世祖至元末拔都子死其弟月祖伯襲封蓋元初諸王無國邑封號故兄弟相後則皆以拔都爲號其後月祖伯傳子則又世以月祖伯爲號焉顧月祖伯封域雖大皆在金山以西其金山以東則海都篤娃昔里吉諸王分據至元亡以後阿羅思舊裔恢復故國日益強大并金山東北諸蒙古王封地而有之則迴

非元初阿羅思之故疆矣曰元史征阿羅思欽

察之軍往返皆由阿速則阿速在二國之南當

爲今何地曰明史西域傳言阿速近天方及賽

馬爾罕倚山面川川南流入海

臣秋濤謹案明史所云以地形

驗之卽今俄羅斯南境濱黑海之阿索富城川南流入海卽敦河也南流入黑海

卽西

哈薩克之河南流入裏海者也

臣秋濤謹案西哈薩克之河南

流者皆入達里岡阿鄂謨是鹹海非裏海也

又言沙哈魯部在阿速

西海島中考今哈薩克西部有格騰里大澤澤

中有大山卽裏海之島也

臣秋濤謹案黑海之水更大於裏海數倍

沙哈魯部當在黑
海島中非裏海也 欽察之寬田吉思海當極北

阿速之格騰里海當極西皆非大海而裏海東

則征阿羅思兵往返必由之路

臣秋濤謹案阿索富城在黑海

東北隅正由西域阿母河等處進兵征俄羅斯必由之路也

又哈薩與阿速

音近西哈薩克爲今布哈爾當卽元阿速無疑

臣秋濤謹案元阿速國卽今黑海東北之地其海至今猶名亞速海又有敦河發源俄羅斯都拉部南境曲折流至阿索富城之西北入亞速海阿索富當卽古阿速國都城也魏源以布哈爾爲阿速境布哈爾當在裏海之南距阿索富城數千里其說非是 又士爾扈特

游牧俄羅斯之厄濟爾河者在布哈爾西境亦

倚山面川南流入裏海元時或在阿速境內歟
至續文獻通考以阿速爲阿克蘇則無容置喙
焉

元代北方疆域考下

卽今俄羅斯東北境

元時北方疆域不但西有阿羅思欽察也乃併
今日俄羅斯東北全境皆有之考世祖都燕後
立嶺北行中書省統和林路總管府以轄漠北
地蓋自金山杭海山

臣秋濤謹案一作杭
愛山亦作杭靄山興安

嶺以北直抵北海之地皆隸之而地理志於嶺

北所轄疆域部落概不及其附見西北地名末者曰吉利吉思部昂可刺部烏斯部撼合納部謙州益蘭州等處而謙河受色楞格河之水貫諸部以入北海色楞格河源嶺南自西而東謙

河源嶺北自東而西元史則以謙河爲正源

臣秋

濤謹案諸家多以伊聶謝河爲古謙河魏源之意則以伯哈爾湖所受東來之昂噶拉河爲謙河考內府圖拜喀爾鄂謨之東有德爾集昂噶拉河西南流入湖德爾集譯言上謂此乃昂噶拉河之上游也以此水爲謙河故謂謙河源嶺北自東而西也但以昂噶拉爲謙河則於元史所謂謙河合昂可刺河之說正相矛盾難以強合似未可爲定論也又按西域水道記以元史

謙河卽今昂噶喇河元史昂可刺河卽
今伊彘謝河說與魏源不同存以備考
吉利吉

思者卽唐書黠戛斯國之音轉也南去大都萬

有餘里

在和林正北故距燕京遠

相傳乃滿部

卽乃蠻

始居此

其境長千有四百里廣半之謙河經其中西北

流又西南有大水曰阿浦東北有大水曰玉須

皆會於謙而注於昂可刺河北入於海又曰謙

州以謙河得名去大都九千里在吉利吉思東

南謙河西南唐麓嶺之北烏斯部亦因水爲名

在吉利吉思東謙河之北昂可刺部亦以水得

名謙河下游入海之地附庸於吉利吉思去大
都二萬五千餘里晝長夜短日沒時炙羊肋熟
東方已曙卽唐史之骨利幹國也康熙間圖理
琛使俄羅斯作異域錄曰色楞格河北潞爲巨
澤曰柏哈爾湖亦曰小海水自湖西北角流出
曰昂噶喇河西北流百五十餘里受西南來之
厄爾庫河又西北流二千九百餘里受東北來
之伊里穆河又北數百里會西來之伊聶謝河
轉東北流入北海伊聶謝去北海大洋一月程

臣秋濤謹案異域錄謂伊聶謝柏興距北海大洋一月程今按地圖卽慧尼色斯歸城亦名也
尼塞斯科時夏至前後夜不甚暗日落夜深猶可圍

碁不數刻東方日出也源證以元史謙卽昂可
刺上游東北來之玉須卽伊里穆河西南來之
阿浦卽伊聶謝河伊聶謝河以上爲吉利吉思
地伊聶謝河以下爲昂可刺地伊里穆河以上
爲烏斯地柏哈爾湖西岸爲謙州則知昂可刺
河之名當在謙河會伊聶謝以後故以謙河綱
紀諸部自異域錄稱水自柏哈爾湖後卽名昂

可刺河以下游之名被諸上游於是水道提綱

泥之以出湖西北流百五十餘里之厄爾庫水

卽爲阿浦河

臣秋濤謹案今檢水道提綱有厄爾庫水入昂噶喇河未嘗指爲元

史之阿浦河惟徐松西域水道記以阿浦爲厄爾庫玉須爲伊里穆蓋魏源誤記西域水道記

爲水道提綱也則吉利吉思太近不應距大都萬餘里

且其南更有何地位置謙州不合一史言元代

疆域北至鐵勒天文志和林北極出地四十五

度夏至晷長三尺二寸四分晝六十四刻夜三

十六刻鐵勒北極出地五十五度夏至晷景長

五尺一分晝七十刻夜三十刻北海北極出地
六十五度夏至晷景長六尺七寸八分晝八十
二刻夜一十八刻鐵勒其吉利吉思之地北海
則昂可刺河入海之地歟臣秋濤謹案今色楞
格河入北海處北極
高七十三
度有奇若以昂可刺河卽在柏哈爾湖下安

能遠瀕北海距大都二萬五千里不合二謙州

在唐麓嶺北唐麓嶺卽今唐努山烏梁海地一作

唐魯在和林西北金山東北故言謙河西南一統

志引朔漠圖曰自和林北行三千里名昂吉爾

海子自此又行五百餘里至謙州及吉利吉思
若謙河止於柏哈爾湖則距唐麓山北之謙州
尙遠安能以水得名不合三土土哈傳至元二
十年從皇孫晉王征海都戰於杭海嶺二十九

年略地金山獲海都戶三千還至和林三十年

春進兵取乞里吉思郎吉利師次欠河郎謙水

行數日始至其境盡收五部之衆而還五部除

益蘭州有烏屯兵守之海都聞之引兵來爭敗之於欠

斯河又劉好禮傳海都執好禮歸欠州脫走逾雪

我嶺出鐵壁山間道南行數日至菊海

臣秋濤謹案菊

海卽柏哈爾湖也魏源書原本誤作南海今依元史改正

始遇戍兵得歸是

謙州近海都金山封地故爲其所割據若僅在

柏哈爾湖上游則距金山遠甚何得爲海都巢

穴且距吉利吉思更遠何得交兵於欠河不合

四史言吉利吉思爲乃滿故居謙州地爲王罕

故居者乃滿新庭在和林爲今賽音諾顏部地

元祕史太祖征乃蠻時其塔陽汗渡塔米爾河登納忽山以望敵及敗後其子復由塔米爾河

走阿勒台山故知和林卽乃蠻庭帳矣

王罕新庭在土拉河爲今

土謝圖汗地

元祕史成吉思汗初年於土拉河黑林與王罕結文子

皆與

謙河隔嶺無涉惟其故居在嶺北者則數千里

皆謙河所縈貫若謙河短狹止於柏哈爾湖安

能亘兩大部游牧之舊帳不合五知此則知色

棱格河入柏哈爾湖後復西北行數千里皆謙

河之正幹

臣秋濤謹案謙河是水非山當言經流不當云正幹也

謙河明

而嶺北五部輿地綱領得矣至撼合納部則在

諸部之東謙河源所從出樺皮爲帳白鹿負之

冬月亦乘木馬出獵其東界則爲朱爾克河別

流入北海其南界則近黑龍江之使鹿部矣今
俄羅斯東路不產馬乘鹿出入卽其地矣其益
蘭州則諸部東西適中之地至元七年遣劉好
禮爲吉利吉思撼合納謙州益蘭州等處斷事
官而以此爲治所修庫廩置傳舍招陶冶工匠
鑄農器造舟楫地在楚庫河左右爲西北孔道
故海都兵至卽執劉好禮歸謙州以其當兵衝
也此數部總隸於嶺北行中書省皆在北幹大
山之北吉利吉思昂可刺烏斯在其正北與土

拉河隔嶺撼合納在其東北與幹難河隔嶺謙
州在西北與和林隔嶺益蘭州在二嶺中斷通
色棱格河之地世祖至元以後諸王海都出沒
其間恃荒遠爲藪穴每敗遁輒不知所往至其
屢次入寇一由謙河而至杭海是和林東必由
之要道一由額爾齊斯河而至金山是和林西

必由之要道

其金山以北地名略見藏兀爾傳成宗大德元年領征北諸軍踰金

山攻海都軍於達魯忽河師還又大戰於阿雷河又玉陸失與戰於撒刺思河此皆額爾齊斯河所受之水及海都踰金山而南則屢戰皆於鐵堅古山我軍踰金山北而追寇則皆駐軍於

案台山此皆阿爾泰山南北
今唐努山烏梁海以北之地
成宗大德十年海

都及篤哇皆已死篤哇子款撒已降乃詔徙諸
部降人於金山之陽我軍屯田於金山之北軍
食既饒又扼其心腹於是海都蔑里二部餘衆
相率來降北邊始平蓋海都封金山以北其分
地西以額爾齊斯河與拔都大王分界東以謙
河與嶺北中書省分界自世祖都燕以後嶺北
固鞭長莫及和林亦兵備較虛海都有割據漠
北之志故率篤哇及蔑里等屢于金山杭海山

兩路擁兵出沒恃其險遠我出彼遁我退彼出
觀馬紹傳言漠北民避亂南者七十餘萬則其
震蕩侵軼之勢可知雖以開國之初師武臣力
然金山南北不奉正朔垂五十年故元經世大
典地圖不著海都所封而地理志則妄稱阿力
麻里爲海都行營之所又言阿力麻里在和林
西北五千餘里是並不知阿力麻里爲今伊犁
在和林之西南故妄以爲極北又以爲海都分
地又何譏焉又何難焉

臣秋濤謹案元史類編
云南木合至元三年封

北平王命丞相安童輔之建幕庭於和林北阿力麻里之地十四年七月爲叛王昔里吉所劫已失舊封十九年改封北安王二十二年三月還朝與地理志阿力麻里在和林西北之說相合疑元時和林以北別有地名阿力麻里在今俄羅斯境與伊犁之阿力麻里同名異地也記此俟考

今則嶺北際海皆屬俄羅斯東藩四部以

異域錄及四洲志考之則海都篤哇等初分金山以北地今俄羅斯之都莫斯科西界額爾齊斯河南界科布多者也謙州則今俄羅斯之科利弗部東界謙河北界吉利吉思南界烏梁海及和林者也其撼合納地則今俄羅斯之雅古

薩部北界烏斯東界朱爾克河南界車臣汗蒙
古及黑龍江索倫者也至俄羅斯尙有極東北
之甘查甲部更在撼合納之東北元史地理志
未之及凡古史沿革亦皆未之及

臣秋濤謹案甘查甲部輿圖作噶穆薩特喀

在混同江口隔海之東北三面距海惟北通
陸蓋卽唐書流鬼國也唐書流鬼直黑水靺
鞨東北少海之北三面皆阻海南與莫曳靺
鞨鄰按甘查甲部南與海中之庫葉島相望

庫葉卽莫曳也是甘查甲古稱流鬼灼然可證又元之骨鬼卽流鬼也魏氏以古史沿革槩未及甘查甲部誤矣記此以備考正

附魏源元代疆域沿革圖說

臣秋濤謹案魏源所作元代西北疆域考

臣

已爲考訂如右而源別作元代西北疆域沿革圖其中立說有與前異者今具錄於後以資考證

東至阿比河

卽額爾齊斯河

西至烏拉嶺

卽元史太和嶺

北至

北海此當爲叛王昔里吉封地今俄羅斯東藩
第一部都莫斯境

東至昂可刺河西至阿比河北至北海此兩河
間爲海都篤娃二王封地今俄羅斯東藩第二
部科利弗境也

東至朱爾克河西至昂可刺河北至北海此兩
河間爲汪罕故地太祖滅之太宗以封其子後
爲叛王海都出沒之所皆沿謙河至杭海山以
窺和林今俄羅斯東藩第三部雅古薩地

臣秋
濤謹

案此乃俄羅斯義爾古
德境非雅古薩境也

東至海北至海西至朱爾克河南至外興安嶺

此當是乃顏哈丹北境今俄羅斯東藩第四部

甘查甲地也康熙初屢寇黑龍江者卽此部人

臣秋濤謹案此地乃俄羅斯之雅古薩部及疴
哥德斯科地非甘查甲境也甘查甲三面皆海
不與中國相接魏源
之說於地理甚疏

阿浦河卽今伊聶謝河玉須河卽今伊里穆河

其間爲吉利吉思地

雪峩嶺以南謙河以北玉須河以東撼合納地

謙河以南土兀喇河以北菊海之東益蘭州斷
事官所駐

吉利吉思之南菊海之西僕輦傑河

卽今色楞格河以

北謙州地

一作欠州

幹難河元太祖始起於此後以封其弟別里古
台至裔孫乃顏據此以叛

臣秋濤謹案乃顏係別里古台曾孫元史

地理志以爲別里古台之孫誤也

怯綠憐河卽今克魯倫河一作怯呂連河太祖
弟幹赤斤封地跨此河南北史所謂東方諸王

也

東金山卽外興安嶺元太祖弟哈赤溫封地在

此嶺南黑龍江北卽今索倫境裔孫哈丹據之

以叛

臣秋濤謹案元諸王有二哈丹一卽此其一哈丹乃太宗第六子非哈赤溫裔孫據

元史世祖紀乃西方諸王部人近甘肅附記以資辨覈

元史太和嶺卽今烏拉嶺布程河卽今托波爾

河布罕川卽今喀穆河

佛爾格河又名厄濟爾河元史作輝里河

臣秋濤謹

案佛爾格河當卽元史之

阿里吉河魏源說非是

元欽察國卽今西費雅國其地當有寬甸吉思海

案元時阿羅思在太和嶺之西南欽察在太和嶺之東北其寬甸吉思海亦當在嶺東北以嶺西之水皆南入裏海與欽察不相接也或謂裏海中有島疑卽寬甸吉思海者非也裏海在蔥嶺西距欽察八九千里中隔數國不相通

朔方備乘卷五十四

知縣周錦心初校
舉人王樹枏覆校

朔方備乘卷第五十五

考訂諸書十五

考訂康輶紀行敘

臣秋濤謹案康輶紀行係

國朝姚瑩撰瑩字石甫安徽桐城縣人嘉慶戊辰科進士官至廣西按察使道光甲辰乙巳丙午間瑩至蜀中一再奉使乍雅及察木多又名喀木其僧因作是書乾隆中考定察木多又名喀木其地曰康非新唐書南依蔥嶺九姓分王之康國

也使車止此故以名焉其書所記六端一使事
二教門三夷俗四道路五泛論古今六雜撰詩
文皆逐日札記不分門類茲采其中論俄羅斯
方域地形及英俄二夷構兵始末各條加以考
訂列爲一卷瑩嘗官臺灣道辦理夷務見聞既
真采摭亦博合而觀之益可徵北徼之原委已

康輶紀行

一統志曰俄羅斯國在喀爾喀楚庫河以北東
南與黑龍江所轄北境接界西接西洋西南至

土爾扈特舊國及準噶爾界北至海瑩接海國
聞見錄俄羅斯在細密里也之西南濱死海西
接普魯社死海又名裏海死海之南爲東多爾
其西多爾其西多爾其臨地中海俄羅斯西南
之境或有近中海者若其西境則隔普魯社外
黃祁荷蘭佛蘭是班牙葡萄牙諸國方至西洋
約近萬里少亦六七千里不能接也

臣秋濤謹
案姚瑩此

語有誤俄羅斯西接洲中海非
地中海亦非與西洋不相接也

南懷仁坤輿全

圖無俄羅斯惟死海之西稍北有俄羅定其北

有沒箇斯未亞一作莫哥斯未亞艾儒略職方
外紀云亞細亞西北有大國曰莫哥斯未亞東
西徑萬五千里南北徑八千里中分十六道魏
源云卽俄羅斯也

臣秋濤謹案莫哥斯未亞卽莫斯科窪乃俄羅斯之都城

也顛林圖死海之北有北叻思國又北有羅沙

國余謂羅沙國卽俄羅斯國都北叻思國蓋其
南藩新地耳歐羅巴人四洲志曰俄羅斯舊國
卽古時額利西意大里之東北邊地所謂西底
阿土蕃是也近數百年始強盛疆域甲於諸洲

有在阿細亞洲者有在歐羅巴洲者有在墨利
加州者其在歐羅巴洲七區曰東俄羅斯西俄
羅斯南俄羅斯大俄羅斯小俄羅斯加區俄羅
斯並有所得南隅回教之新藩地東界阿細亞
洲內部落西界波蘭普魯社及歐塞特界南界
都魯機北抵冰海幅員二百零四萬方里又有
所得阿悉亞洲即阿細亞洲南懷
仁作亞細亞洲之新藩地其
四部落總分二區曰東悉比里阿西悉比里阿
東抵海北抵冰海西界歐羅巴洲內部落南界

中國蒙古索倫幅員五十萬方里在墨利加洲
內部落者僅隔西模斯一小隅之地方里無紀

載其國都原建於大俄羅斯之莫斯科後改都

於東俄羅斯之比特格

臣秋濤謹案
卽彼得羅堡

今仍還舊

都余案四洲志所言方里者開方法也開方法
方十里者爲方一里者百方百里者爲方一里
者萬方千里者爲方百里者百爲方一里者一
百萬今云在歐羅巴洲者幅員二百零四萬方
里是僅長二千里寬一千里又長二百里寬二

百里耳衍而伸之以方五百里計亦僅長四千
里闊五百里又長二百里寬二百里耳在阿細
亞洲者五十萬方里以方二百里計之當長二
千五百里寬二百里然東自黑龍江之東海邊
西至普魯社實近二萬餘里此方數殊不合則
所云方里者不足據也志又云在阿細亞洲者
戶百有三萬八千三百五十六名在歐羅巴洲
者戶六千五百萬口既有戶口之數則幅員方
里不應不確豈譯數有誤耶

臣秋濤謹案四洲
志所云戶口之數

亦約略計之如各省煙戶冊非能盡核其實也
泰西人又有歐羅巴列國版圖說云俄羅斯國
王主治地三百二萬正方里居民四千一百萬
人每年進帑五千二百萬圓國家欠項二萬萬
圓額兵六十萬戰時百萬餘師船三十六隻所
載方里進帑兵額師船之數皆不知其何據

如職方外紀所云東西萬五千里南北徑八千
里者似爲近之若西域間見錄言其國東西距
二萬餘里南北窄狹自千里至三千餘里不等
猶約略之辭耳

魏源西洋沿革圖死海之西南有南都魯機一
名度爾格又名西女國其西北爲北都魯機一

名度爾格又名額力西又名厄勒祭又名氓哱
呻余按此云南北二都魯機皆俄羅斯之南屬
卽陳倫炯圖內之東西多爾其也西人地圖作
土爾其土都音近氓哱呻又在西多爾其之西
北陳圖不誤魏源謂氓哱呻卽北都魯機恐誤
又按南懷仁圖死海之南臨小西洋東接同回
有地名法爾齊地產五色石金剛石青石其西
北又有地名百爾西亞在莫斯科未亞之極南
疑卽陳圖之兩多爾其魏圖之兩都魯機也南

圖百爾西亞之北爲大白理斯其單東連同回

豈卽陳圖之包社大白頭耶大小白頭皆同回

國也

臣秋濤謹案圖志以百爾西亞卽包社回國志略以包社卽古波斯國

陳倫

炯曰大小白頭二國北接三馬爾丹卽噶爾旦

之本國也三馬爾丹之北鄰細密里也國細密

里也之西爲俄羅斯國小白頭東鄰民呀國民

呀人黑穿著皆白類似白頭英機黎荷蘭佛蘭

西聚此貿易民呀之東接天竺佛國民呀東南

遠及暹羅民呀之南臨海民呀之北接哪嗎西

藏及三馬爾丹國屬余以南懷仁圖考之五印

度莫臥爾之北有撒白勒斯單卽三馬爾丹也

東南隔大流沙爲西蕃卽天竺佛國矣北有箇

拉散似卽陳圖之噶爾丹也又北有阿被河長

七千二百里臣秋濤謹案阿被河卽額爾齊斯河發源中國流入北海其河

之西北近冰海爲西北里亞亞也音相近似卽

陳圖北近冰海之細密里也臣秋濤謹案細密里也西北里亞卽

總記所云悉比釐阿志略所云西伯利部乃俄羅斯之東部也

西域聞見錄言鄂羅斯之外有控噶爾國更大

於鄂羅斯余以歐羅巴人四洲志考之所云控
噶爾國在鄂羅斯西北卽普魯社其北卽冰海
其西爲綏林國那威國噠國瑞丁國大尼國其
南爲波蘭國卽波羅尼爲歐色特里阿國一作
莫爾大未亞其西南卽地中海據此言之控噶
爾初不甚大何至如聞見錄之所云乎蓋回子
行商其國彼國人故作夸大之詞而七椿園以
所聞記之非其實也松湘浦諸人已辨之矣
廓爾喀在後藏正南聶拉木及濟隴界外其東

北爲哲孟雄作木朗洛敏湯三部皆爲廓爾喀所併其南卽東印度也今爲英吉利所據魏默深云廓爾喀界西藏及俄羅斯攝兩大國之間故內貢中國亦兼貢俄羅斯近日英夷西與俄羅斯構兵爭達達里之地其地橫亘南洋俄羅斯得之則可以圖併印度故與英夷血戰雍正五年俄羅斯攻取西藏南五千餘里之務魯木以其地尙佛教遣人至中國學刺麻當卽與廓爾喀相近余按魏此言恐誤俄羅斯攻取之務

魯木在西藏西南五千里外蓋西北印度之間

其中尙隔中印度東印度今皆爲英夷所據廓

爾喀何由越英夷貢俄羅斯耶乃謂近俄羅斯

非也

臣秋濤謹案西洋人呼游牧部落皆謂之達達里俄羅斯南境與附近裏海之游牧

回部相接距廓爾喀尙遠魏源之說非是姚瑩此辨甚爲明哲又案魏源之誤因雍正五年俄羅斯已攻西藏西南五千里外之務魯木故疑俄羅斯境土南接廓爾喀不知務魯木所在諸家尙無定論或以爲天竺或以爲羅馬安得遽指爲廓爾喀貢俄羅斯之證哉

瑩前在臺灣奉

旨查訊夷囚顛林俄羅斯與英吉利是否遠近當時覆

奏但言其不相交結未知其在印度構兵也後

見林尙書所譯西洋人新聞紙乃知北印度英

俄二夷構兵之事按澳門月報曰道光二十年

七月澳門接印度五月十四日來信

原注魏刺史云卽中

國四月十三日論及俄羅斯欲攻打印度之事蓋我英

國之印度兵攻取興都哥士山

原注魏云近巴社團南邊

各部落而俄羅斯邊境在此山之北三年前尙

有回部四五國亘隔英吉利與俄羅斯屬國之

間各遠數百里今只隔一大山而已俄羅斯近

日直攻至韃韃里之機注

原注魏云韃韃里謂游牧各部如哈薩克

布魯特之類東起蔥嶺西至裏海南界印度北界俄羅斯皆是也機注乃韃韃里南方部落

皆因我等攻取阿付顏尼部

原注此部原屬巴社今爲英吉利所

據在印度之西巴社之東北韃韃里南

故俄羅斯亦攻至荷薩士

河原注韃韃里地近機注

已約木哈臘

原注亦韃韃里南方部落近阿付顏

尼同取阿付顏尼部以攻打印度爲我英國兵

頭沙阿力山及馬約里洽塔禦故計不行俄羅

斯前在希臘

原注巴社國東方部落近阿付顏尼

與巴社人立約

欲收復阿付顏尼以攻取印度亦因我兵頭律

屋蘭所拒

原注巴社卽白頭回國南抵海西界都魯機北界韃韃里

後詭稱

收回逃散奴僕突攻取機注及木哈臘人皆謂

俄羅斯旣得此二地當必退兵乃又使人日日

學習印度事務又與木哈臘人立約同取阿付

顏尼不知俄羅斯人要何地方肯住手現聞

俄羅斯使者已自比特革起程由韃韃里到中

國

原注此韃韃里謂喀爾喀蒙古蓋凡各游牧部皆謂之韃韃里

必懲慮中國

人與英國人爭鬪并欲得北京出諭與緬甸人

使前來攻擊不知何時使臣能到得北京我等

切不可閉目不理俄羅斯人曾以兵威自黃海
攻至黑海以廣其國境所以今日必要隄防其
在荷薩士河駐扎之兵前來攻擊儻我將阿付
顏尼防兵撤回則俄羅斯人必帶領木哈臘之
兵同攻阿付顏尼矣我等今年若將阿付顏尼
王復立於加模爾城原注阿付顏尼舊都卽應帶兵過興
都哥士大山取回沙蘇野所失之三部落原注一日
袞都斯一日麻爾格一日模特散
皆在阿付顏尼北木哈臘之南 然我兵到彼
必定遇俄羅斯兵與木哈臘兵約會夾攻我兵

我兵恐卽擾亂而同亦或與俄羅斯人相持大抵英俄二國在阿細亞洲交戰之事不久卽至我等宜先豫備出兵矣魏源曰大海南洋曰印

度海與緬甸後藏相鄰而廓爾喀介其中其鄰

廓夷之孟阿臘卽東印度也再西南之孟邁等

部則南印度也

臣秋濤謹案孟阿臘亦作孟加拉又作孟加臘又作網加拉又

作榜葛刺印度極東之地城外萬艘鱗集百貨所萃富盛爲五印度之最英吉利有大酋統轄印度全土駐於此城英軍三萬土軍敘跋兵二十三萬其地爲東印度無可疑者謝清高海錄有明呀喇亦卽此也孟阿臘之西南曰麻打拉薩卽南印度地至孟買一作網買粵東稱爲港

脚當屬西印度地非南印度也

溯印度河北上爲痕都斯坦則

中印度也再北爲克什彌爾古罽賓國則北印

度也印度河兩岸凡巴社各白頭回國則西印

度也

原注卽白帽同

其國皆在蔥嶺西南接中國西域

近日西洋英吉利自稱管理五印度蓋惟北西

印度未爲所據其中東兩印度半屬英夷而南

印度則分據於西洋諸夷此皆近日事也

臣秋濤謹

案魏源以巴社阿丹爲西印度非也巴社卽波斯漢之安息也阿丹卽亞喇伯漢之條支也其非西印度甚明至如德亞卽拂菻古羅馬東境漢大秦國地魏源亦指爲西印度尤誤

方康熙雍正間英夷僅據有孟阿臘孟邁二埠
未窺印度全境而俄羅斯亦方與西北普魯社
搆兵未遑南牧凡蔥嶺以西瀕地中海東岸皆

統於天方之回教故乾隆中西域甫平痕都斯

坦尙與巴達克山搆兵雖旋爲愛烏罕所并卽古

大月氏亦回教非西洋教及乾隆嘉慶以來俄羅斯

斯兵出黃海攻取黑海各部又日沿裏海南侵

而英吉利亦吞并痕都斯坦派恒河北上臣秋

案痕都斯坦濱臨印度河亦日新頭河於是蔥
非恒河也此與下恒河皆當作印度河

嶺以西自布哈爾愛烏罕諸大國外凡近裏海之游牧回部號韃韃里者皆并於俄羅斯凡夾恒河及南洋之城郭回國半屬於英吉利矣其英俄二境之中尙隔有數回國彼此各距數百里及道光十九年痕都斯坦北境有阿付顏尼部者與沙蘇野部相攻沙蘇野請救於英吉利英吉利遂起各印度駐防之兵攻滅阿付顏尼部阿付顏尼亦走愬於俄羅斯俄羅斯復起駐防韃韃之兵南攻巴社取機洼取木哈臘欲恢

復阿付顏尼部以直攻印度英吉利兵據險力拒於是英俄二邊部僅隔興都哥士一大山而血戰無虛日矣

原注興都即印度二字音轉其山界北中二印度之中

阿

付顏尼及沙蘇野二部皆在是山之南機洼及木哈臘皆在是山之北而沙蘇野之部落亦有軼出山北者是爲英俄交惡之由與交兵之界沙蘇野王以道光十八年爲阿付顏尼破走投援印度英吉利鎮守印度之兵帥遂於十九年七月起孟阿臘孟邁痕都斯坦三部之兵使副

兵帥沙機尼將之而沙蘇野酋自以所部兵鄉導時阿付顏尼酋自都於加模爾城遣其次子以兵三千五百守牙尼士城長子以兵數千守加布爾城牙尼士城本險固於其城門前復增重濠重牆守營甚固英吉利軍先營近郊誘戰不出乃督馬礮軍駱駝礮軍步礮軍三路進攻又開天礮擊之天礮者仰空發礮飛墮城中遂偏城而營并以兵扼加布爾援軍之路阿付顏尼酋遣其長子領千五百騎步兵三千由加布

爾城赴援夾攻後路爲沙蘇野兵擊退次日遂
會各營專攻城門更番迭進城內兵亦死力鏖
戰旣而天礮從空雨下城內震競爭潰遁凡二
晝夜拔其城擒其次子乘勝兩路進攻加布爾
城阿付顏尼酋率其長子率兵萬有三千守格
麻關而軍士奪氣望風解體父子率三百騎走
保麻緬棄芻糗火礮輜械山積英吉利遂據二
城沙蘇野王復國酌留歐羅巴兵痕都斯坦兵
及阿付顏尼新降兵助守其地此英夷侵北印

度之事也阿付顏尼旣遁麻緬則遣使乞師於
俄羅斯鎮守韃韃里之兵帥俄羅斯久艷東南
印度之富特隔於各回部至是乘各部自鬪謀
由巴社以圖印度巴社者回回祖國卽來粵貿
易之白頭番所謂港腳是也小白頭爲痕都斯
坦大白頭爲巴社巴社雖不屬英吉利而與英
吉利睦故英帥律屋蘭者以兵助巴社拒之俄
羅斯復以收逃奴爲名襲破機洼及木哈臘二
回部又攻取沙蘇野所屬三部之在興都哥士

山北者遂駐兵荷薩士河與英吉利接界并使
人習印度法律言語又購木哈臘人嚮導無一
日忘印度而英吉利亦嚴兵阿付顏尼界爲備
且議還阿付顏尼酋於故地以息外搆而增藩
蔽議未定而廣東之事起是年我

大清怒西洋鴉片烟之耗蠹中國嚴禁鴉片烟罷英
夷互市聲其罪惡布告諸國諸國如佛蘭西彌
利堅讐英夷者咸稱快廓爾喀亦白駐藏大臣
願以所部兵收東印度又傳聞俄羅斯使臣已

自比革爾國都起程赴

北京約中國兵由緬甸西藏夾攻印度事雖未行

而是時英夷則惴甚

原注瑩案以兵法言之誠難得之事會也而是時中

國不知其情豈非言語不通疏於偵敵之故哉

魏源曰當是時南洋西洋諸國聞罷市之信各

埠茶葉大黃皆不肯售踊貴價倍而英夷國中

繳烟價罷關稅各缺銀千餘萬圓諸銀肆皆不

肯出貨銀價復翔貴借貸鄰國銀肆數百萬充

兵餉而彌利堅佛蘭西先後在粵請助兵船爲

中國効力亦屢見於粵中督撫及將軍之章奏
事則可徵也時則可乘也又曰由近事溯之乾
隆則準酋阿睦爾薩納之來投請兵也盈廷喙
拒獨

高宗排羣議用之遂一戎衣而定伊犁矣土爾扈特之
棄俄羅斯來附也盈廷喙拒獨

高宗排羣議受之并移檄俄羅斯剖明曲直卒盡臣瓦
刺四大部矣由近事溯之康熙則俄羅斯所部

東徧黑龍江

聖祖附書荷蘭轉達鄂汗海道往還半載得報遂擴索
倫地數千里矣準噶爾請援兵六萬於鄂羅斯
聖祖移書宣示利害絕其糾約噶爾丹敗無可投卒潰
窟死矣

聖神籌運於廊廟之間而指麾嗾使於數萬里之外豈
不在識夷情洞敵勢哉西藏一陷於準噶爾再
陷於廓爾喀彼時氛惡焰熾孰不畏道遠勞師
而

兩朝深維利害不惜深入撻伐恢域犁庭是以北攝準

夷西震印度奕世而後尙有願効馳驅之廓夷
夾攻印度之鄂部請助海艘之島國待我驅策
同我敵愾故曰天下有道守在四夷此擊則彼
應威立則令行事會之來間不容髮哉

又曰廓爾喀界西藏及鄂羅斯攝兩大國之間
故內貢中國亦兼貢鄂羅斯近日英夷西與鄂
羅斯構兵東與中國結讐故廓爾喀欲乘兩大
國之勢以攻印度云印度地產鴉片烟英吉利
關稅歲入千萬計其兵船入犯中國者十九皆

孟加臘之人誠能聽廓夷出兵之請

獎其忠順擾彼腴疆擣其空虛牽其內顧使西夷失富疆之業成狼狽之勢亦海內奇烈也鄂羅斯地袤二萬里與中國首尾相接地大兵強西洋所畏其與我互市之地則有陸而無海英夷之

與我互市則又有海而無陸近日鄂羅斯屢與

英夷爭韃靼里之地其地橫亘南洋鄂羅斯得

之則可以圖并印度故與英夷連年血戰

原注雍正

五年俄羅斯攻取西藏西南五千里之務魯木以地尙佛教遣人至中國學刺麻富卽與廓爾

喀相近 若能許鄂羅斯海船赴粵貿易連絡彌

之地 利堅佛蘭西等國皆英夷仇敵則英夷之兵船

不敢舍其境而遠犯中國

原注英夷在印度大兵船止百艘以其半

入寇中國其餘皆分守各境不敢遠離恐他國乘其虛也

夫以夷攻夷之効

咫尺見者視爲迂圖乾隆嘉慶間一封暹羅遂足

以西制緬甸東制安南善碁者或一聞著而全

局皆生況以宅中馭外之勢制仇讐四結之夷

哉

志略曰興都哥士山卽雪山荷薩士河卽阿

母河阿付顏尼部卽阿富汗尼士丹又作愛
烏罕木哈臘卽布哈爾希臘卽額里士歐羅
巴小國也黃海卽波羅的海黑海卽勒必西
海俄羅斯近年疆土日廣其國之南境已盡
裏海之西北兩岸由裏海之北岸直趨東南
中間所歷之韃韃回部如機洼之類皆冗弱
無所比數戎馬往來如若無人布哈爾較大
實爲東道關鍵故俄羅斯脅而降之以爲進
窺印度之計也英人之取印度也由海俄人

之窺印度也由陸論巧則俄不如英量力則英不如俄兩國之在西土可稱勍敵

臣秋濤謹案阿富汗國本波斯東境明時始

自立爲國歷二百餘年康熙時乘波斯之衰
攻併其地越十七年那的爾沙復興於波斯
乃滅阿富汗後阿富汗國人亞美沙恢復故
土其地東接印度南接俾路芝西接波斯北
接回部嘉慶中阿富汗國內訌國王被逐求
救於塞哥塞哥割其數城阿富汗由是不振

近年與英吉利所屬之印度西部構兵數年
英軍退去途中忽值嚴寒英軍斃者不可勝
數次年英人復以師至講和而罷邇來義羅
斯欲圖印度慮波斯阿富汗之橫亘其中也
於是整旅於希拉欲約波斯國取阿富汗乘
其亂以奪之假道以攻印度雖有是謀尙未
行也右所述本西人地理圖說原文冗贅刪
取其要如此與諸家之說稍有不同存以俟

考

又案機注同部一國也在布哈爾西多沙磧
罕水草民俗麤猛喜劫掠恒與鄰國戰爭鬻
男女之市爲西域最道光十九年俄羅斯欲
攻之謀進印度忽值天寒人駝凍斃者甚多
遂罷兵歸

又案波斯國近亦衰弱賴我羅斯之助以敵
印度之英夷介於二國之間亦阿付顏尼之
類也

朔方備乘

卷五十五

老言月事未詳

九

朔方備乘卷五十五

知縣丁紹基初校
舉人王樹枏覆校